



ISTITUT CULTURAL LADIN
MUSEO LADIN DE FASCIA

COMUNICAT STAMPA

Sèn Jan, ai 4 de firé 2019

Museo Ladin de Fascia **AMBIENTE DI MONTAGNA** *Inaudazion de la mostra e premiazion del concurs fotografich*

Sàbeda, ai 9 de firé 2019 da les 4 domesdi



La terza edizion del concurs nazionèl “**2019 Photography Contest**” à vedù la colaborazion de la Pro Loco de Vich co l’Istitut Cultural Ladin – Museo Ladin de Fascia per endrezèr la premiazion e la mostra de la operes en gara, che vegnarà metudes fora te Sala “Luigi Heilmann” del Museo.

L’argoment cernù fora per chest an, “Ambiente di montagna”, volea meter al luster la relazion anter l’om e l’ambient da mont e l’à soscedà n vif enteress anter i fotografes, che i à manà ite passa 170 retrac. Anter chisc la juria à cognù cerner fora 30 fotografies che les é states publichèdes sui social media per esser votèdes ence da la jent. Tinùltima se é rué a la classifica finèla che à dezidù i venjidores, che desche pest i ciaparà zedoles de speisa per comprèr ite materièl fotografich.

La comiscion, coordinèda dal president e fotograf Anton Sessa col didament di fotografes Alessio Furlan, Matteo De Stefano, Patrick Colgan, Elena Martinello e Alberta Rossi, che se cruzia de la biblioteca de l’Istitut Cultural e del Calandèr ladin, dò n gran lurier à cernù fora i miore 5 retrac:

- 1° post – **Discesa nell’abisso** de Tommaso Forin
- 2° post – **Colazione alle Tre Cime** de Jessica Tabarelli
- 3° post – **Quasi quasi mi tuffo** de Paolo Ortelli
- 4° post – **Moonlight** de Alessia Bortolameotti
- 5° post – **Via Lattea al Carezza** de Martin Rasom

I venjidores, jà anunzié sui social e su www.entornvich.com, vegnarà premié en sàbeda ai 9 de firé da les 4 domesdi te Museo Ladin. Te la medema ocasion sarà inaudà la mostra, olache vegnarà metù fora la operes premièdes apede a na selezion de l’altra fotografies en concurs.

Se podarà vijitèr la mostra debant fin ai 30 de oril 2019, ti oraries del Museo Ladin: dal mèrtesc a la sàbeda da les 3 a les 7 domesdi.

ISTITUT CULTURAL LADIN “majon di fascegn” – MUSEO LADIN DE FASCIA

38036 San Giovanni di Fassa / Sèn Jan (Tn)
tel. 0462 760182 – museo@istladin.net – www.istladin.net